

Na osnovu člana 98. Zakona o visokom obrazovanju («Službene novine Tuzlanskog kantona» broj: 7/16, 10/16, 5/17 i 15/17), člana 52. stav 1) tačka n) Statuta Univerziteta u Tuzli, Odluke Senata Univerziteta u Tuzli o broju studenata za upis u prvu godinu prvog i integriranog prvog i drugog ciklusa studija, te drugog i trećeg ciklusa studija na fakultete/Akademiju Univerziteta u Tuzli u akademskoj 2019/20. godini broj: 03-3062-2/19 od 12.06.2019. godine, Odluke Upravnog odbora Univerziteta u Tuzli o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli u akademskoj 2019/20. godini broj: 04-3064-2/19 od 11.06.2019. godine, a uz prethodnu saglasnost Vlade Tuzlanskog kantona broj: 02/1-38-012344-1/19 i 02/1-05-012343-1/19 od 11.06.2019. godine, raspisuje

K O N K U R S
ZA UPIS STUDENATA NA TREĆI CIKLUS STUDIJA
NA FAKULTETE UNIVERZITETA U TUZLI U AKADEMSKOJ 2019/20. GODINI
I

Na fakultete Univerziteta u Tuzli u akademskoj 2019/20. godini na treći ciklus studija upisaće se sljedeći broj studenata koji se sami finansiraju:

Red. br.	Naziv fakulteta/Akademije Studijski program/Usmjerenje	Treći ciklus	
		minimalno	maksimalno
1.	Edukacijsko-rehabilitacijski fakultet	3	30
	• Specijalna edukacija i rehabilitacija	3	30
2.	Ekonomski fakultet	6	
	-Međunarodna ekonomija	3	
	-Kvantitativna ekonomija	3	
3.	Fakultet elektrotehnike	3	10
	• Elektrotehnika i računarstvo	3	10
4.	Fakultet za tjelesni odgoj i sport	3	10
	• Kineziologija	3	10
5.	Farmaceutski fakultet	3	10
6.	Filozofski fakultet	9	25
	• Književnost	3	5
	• Lingvistika	3	15
	• Historija Bosne i Hercegovine XIX i XX stoljeća	3	5
7.	Mašinski fakultet	15	
	• Energetsko mašinstvo		
	- Održiva energija i okolina	3	
	- Termoenergetika	3	
	• Proizvodno mašinstvo		
	- Proizvodne tehnologije	3	
	- Industrijski inženjering	3	
	• Mehatronika	3	
8.	Medicinski fakultet	3	15
9.	Pravni fakultet	3	10

10.	Prirodno-matematički fakultet	6	17
	• Geografija	3	7
	• Biologija	3	10
11.	Rudarsko-geološko-građevinski fakultet	12	40
	• Rudarstvo	3	10
	• Geologija	3	10
	• Hidrotehnika	3	10
	• Građevinske konstrukcije *	3	10
11.	Tehnološki fakultet	9	21
	• Hemijsko inženjerstvo	3	7
	• Prehrambeno inženjerstvo	3	7
	• Inženjerstvo zaštite okoline	3	7
12.	Prirodno-matematički i Tehnološki fakultet	3	7
	• Primijenjena hemija (zajednički doktorski studij)	3	7
	UKUPNO:	78	195

*Studijski programi su u postupku licenciranja.

II

Rangiranje i prijem kandidata vrši komisija koju imenuje Vijeće doktorskog studija, a na osnovu uspjeha ostvarenog na ranijem ciklusu studija (prosječna ocjena zaokružena na dvije decimale) i drugih kriterija utvrđenih studijskim programom.

Podnošenje prijave i upis kandidata vrši se u rokovima kako slijedi:

- podnošenje prijave vršiče se od 14.06. do 31.10.2019. godine;
- privremena rang-lista kandidata objaviće se do 01.11.2019. godine, a konačna do 04.11.2019. godine;
- upis primljenih kandidata obaviće se od 05.11. do 08.11.2019. godine.

III

Uz prijavu na Konkurs kandidat prilaže:

- original ili ovjerenu kopiju diplome o završenom odgovarajućem postdiplomskom studiju/studiju drugog ciklusa ili uvjerenje o završenom studiju u slučaju da visokoškolska ustanova još nije izdala diplomu, ovjerena kod nadležnog općinskog organa ili notara;
- uvjerenje visokoškolske ustanove o dužini trajanja postdiplomskog studija/ studija drugog ciklusa, kao i dodatak diplomi (za lica koja su završila drugi ciklus studija po Bolonjskom sistemu studiranja),
- uvjerenje o uspjehu na postdiplomskom studiju (za lica koja su završila studij po ranijem sistemu studiranja),
- uvjerenje o državljanstvu, ne starije od 6 mjeseci.

IV

Pravo upisa na studijske programe trećeg ciklusa imaju kandidati državljani Bosne i Hercegovine, strani državljani i lica bez državljanstva koji ispunjavaju uslove utvrđene studijskim programima fakulteta, a koji su odgovarajuću diplomu o završenom prethodnom ciklusu studija stekli na akreditovanoj visokoškolskoj ustanovi.

V

Lica koja su diplomu drugog ciklusa/postdiplomskog studija ili diplomu integriranog prvog i drugog ciklusa studija stekla u inostranstvu, u obavezi su priložiti i rješenje o izvršenoj nostrifikaciji inostrane isprave ili potvrdu Univerziteta u Tuzli da su podnijeli zahtjev za akademsko priznavanje inostrane diplome u svrhu nastavka obrazovanja na Univerzitetu u Tuzli.

Obrazac Zahtjeva za priznavanje inostrane kvalifikacije u svrhu nastavka obrazovanja na Univerzitetu u Tuzli može se preuzeti na web stranici www.untz.ba (<http://www.untz.ba/index.php?page=akti1>).

Po završetku trećeg ciklusa studija stiče se **diploma doktora** u skladu sa Spiskom akademskih titula, naučnih i stručnih zvanja koja se mogu sticati na visokoškolskim ustanovama u Tuzlanskom kantonu („Službene novine TK“, broj 13/17).

VI

Studenti trećeg ciklusa studija upisani u akademskoj 2019/20. godini, plaćaju školarinu u iznosima kako slijedi:

- 9.000,00 KM na Fakultetu za tjelesni odgoj i sport,
- 10.000,00 KM na Filozofskom fakultetu,
- 12.000,00 KM na Edukacijsko-rehabilitacijskom, Ekonomskom, Farmaceutskom, Medicinskom, Pravnom, Prirodno-matematičkom, Rudarsko-geološko-građevinskom, Tehnološkom fakultetu i zajedničkom doktorskom studiju Prirodno-matematičkog i Tehnološkog fakulteta,
- 14.000,00 KM na Fakultetu elektrotehnike i Mašinskom fakultetu.

Kandidati strani državljanini i lica bez državljanstva plaćaju školarinu u visini utvrđenoj Odlukom Vlade Tuzlanskog kantona.

Kandidati koji su prije upisa na treći ciklus studija stekli naučni stepen magistra plaćaju školarinu u manjem iznosu, utvrđenu odlukom nadležnog organa Univerziteta, u skladu sa studijskim programom.

VII

Konkurs ostaje otvoren **do 31. oktobra tekuće godine.**

Rang-lista kandidata objavljuje se na oglasnoj ploči fakulteta i web stranicama fakulteta i Univerziteta.

Na objavljenu rang listu kandidati mogu uložiti pismeni prigovor naučno-nastavnom vijeću fakulteta, a isti se predaje putem studentske službe fakulteta, u roku od 48 sati od objavljivanja rang-liste.

Konačnu Odluku po prigovoru donosi naučno-nastavno vijeće fakulteta koju saopštava podnosiocu prigovora i objavljuje na oglasnoj ploči i web stranici fakulteta.

VIII

Detaljnije informacije o studijskim programima, uslovima upisa, te pregled potrebne dokumentacije koja se obavezno prilaže uz prijavu, dostupne su na web stranici fakulteta i studentskoj službi fakulteta. Obrazac Prijave na Konkurs za upis na treći ciklus studija može se dobiti u studentskoj službi fakulteta ili na web stranici www.untz.ba (<http://www.untz.ba/index.php?page=konkursi>).

Prijave na Konkurs sa potrebnom dokumentacijom, dostavljaju se u zatvorenoj koverti, uz naznaku "Prijava na Konkurs za upis na treći ciklus studija" putem studentske službe fakulteta.

Upisani kandidati zaključuju sa Univerzitetom ugovor o studiranju.